

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA TATU

KIKAO CHA TANO

25 APRILI, 2016



ORODHA YA SHUGHULI ZA LEO

MKUTANO WA TATU

KIKAO CHA TANO – TAREHE 25 APRILI, 2016

I. HATI ZA KUWASILISHA MEZANI:

WAZIRI WA NCHI, OFISI YA RAIS (TAMISEMI):

Ripoti ya Mwaka ya Mdhibiti na Mkaguzi Mkuu wa Hesabu za Serikali kuhusu Taarifa za Fedha za Serikali za Mitaa kwa Mwaka wa Fedha unaoishia tarehe 30 Juni, 2015. (*The Annual General Report of the Controller and Auditor General on The Financial Statements of Local Governments for the Year Ended 30th June, 2015*).

Taarifa ya majibu ya Serikali na Mpango Kazi wa Utekelezaji wa Mapendekezo ya Mdhibiti na Mkaguzi Mkuu wa Hesabu za Serikali kwa Hesabu za Mamlaka za Serikali za Mitaa kwa Mwaka wa Fedha 2014/2015.

WAZIRI WA NCHI, OFISI YA MAKAMU WA RAIS (MAZINGIRA NA MUUNGANO)

Ripoti ya Ukaguzi wa Ufanisi juu ya Usimamizi wa Mchakato wa Tathmini ya Athari ya Mazingira Katika Miradi ya Maendeleo. (*Performance Audit Report on the Management of the Environmental Impact Assessment Process in Development Projects*).

Ripoti ya Ukaguzi wa Ufanisi juu ya Usimamizi wa Uzingatiaji na Utekelezaji wa Sera, Sheria na Kanuni za Mazingira katika Shughuli za Utafutaji wa Petroli Tanzania. (*Performance Audit Report on The Compliance, Monitoring and Enforcement of Environmental Policies, Laws and Regulations as Regards to Petroleum Exploration Activities in Tanzania*).

WAZIRI WA FEDHA NA MIPANGO:

Ripoti ya Mwaka ya Mdhibiti na Mkaguzi Mkuu wa Hesabu za Serikali kuhusu Taarifa za Fedha za Serikali Kuu kwa Mwaka wa Fedha unaoishia tarehe 30 Juni, 2015. (*The Annual General Report of the Controller and Auditor General on the Financial Statements of Central Government for the Year Ended 30th June, 2015*).

Ripoti ya jumla ya Ukaguzi wa Ufanisi na Ukaguzi Maalum kwa kipindi kinachoishia tarehe 31 Machi, 2016. (*A General Report of the Controller and Auditor General on Performance and Specialized Audit for the Period Ending 31st March, 2016*).

Ripoti ya Mwaka ya Mdhibiti na Mkaguzi Mkuu wa Hesabu za Serikali kuhusu Taarifa za Fedha za Miradi ya Maendeleo kwa Mwaka wa Fedha unaoishia tarehe 30 Juni, 2015. (*The Annual General Report of the Controller and Auditor General on the Financial Statements of Development Projects for the Year Ended 30th June, 2015*).

Ripoti ya Mdhibiti na Mkaguzi Mkuu wa Hesabu za Serikali kuhusu Taarifa za Fedha za Mashirika ya Umma kwa mwaka wa Fedha unaoishia tarehe 30 Juni, 2015. (*The Annual General Report of the Controller and Auditor General on The Financial Statements of Public Authorities for the Year Ended 30th June, 2015*).

Ripoti ya Ufuatiliaji wa Utekelezaji wa Mapendekezo ya Ukaguzi Katika Taarifa Sita za Ukaguzi wa Ufanisi zilizotolewa na kusomwa Bungeni kuanzia Mwaka 2009 hadi 2012. (*Follow-Up Report on the Implementation of the Controller and Auditor General's Recommendations for the Six Performance Audit Reports issued and tabled to Parliament between 2009 and 2012*).

Taarifa ya Majibu ya Serikali na Mpango Kazi wa Utekelezaji wa Mapendekezo ya Mdhibiti na Mkaguzi Mkuu wa Hesabu za Serikali kwa Wizara, Idara za Serikali na Sekretarieti za Mikoa kwa Mwaka wa Fedha 2014/2015 (Volume I na Volume II).

WAZIRI WA NISHATI NA MADINI:

Ripoti ya Ukaguzi wa Ufanisi juu ya Usimamizi wa Mchakato wa Utoaji wa Leseni na Mikataba ya Ufuatiliaji na Uendelezaji wa Shughuli za Mafuta na Gesi Asilia. (*Performance Audit Report on The Management of Process of Awarding Exploration and Development Contracts and Licenses for Oil and Natural Gas in Tanzania*).

Ripoti ya Ukaguzi wa Ufanisi juu ya Menejimenti ya Taarifa za Kijiofizikia na Kijiolojia Katika Sekta za Mafuta na Gesi Asilia Nchini Tanzania. (*Performance Audit Report on the Management of Geophysical and Geological Data For Natural Gas in Tanzania*).

Ripoti ya Ukaguzi wa Ufanisi juu ya Usimamizi na Uendelezaji wa Rasilimali watu katika Sekta ya Mafuta na Gesi Asilia Tanzania. (*Performance Audit Report on the Management of Human Capital Development for Engaging in Natural Gas Industry in Tanzania*).

Ripoti ya Ukaguzi wa Ufanisi juu ya Utekelezaji wa Masharti ya Ushirikishwaji wa Watanzania na Uhakiki wa Urejeshaji wa Gharama za Uwekezaji kwenye Mikataba ya Mgawanyo wa Mapato ya Uzalishaji (*Performance Audit Report on the Implementation of Local Content Provisions and Verifications of Revocable Costs in the Production Sharing Agreements*).

WAZIRI WA KILIMO, MIFUGO NA UVUVI:

Ripoti ya Ukaguzi wa Ufanisi juu ya Udhhibiti wa Milipuko ya Magonjwa na Visumbufu vya Mazao ya Kilimo Tanzania. (*Performance Audit Report on the Implementation of Strategies for Managing Agricultural Crop Pests and Diseases Outbreaks in Tanzania*).

Ripoti ya Ukaguzi wa Ufanisi juu ya Udhhibiti wa Usafi katika Mchakato wa Uzalishaji Nyama. (*Performance Audit Report on the Hygiene Control in Meat Production*).

WAZIRI WA MAJI NA UMWAGILIAJI:

Ripoti ya Ukaguzi wa Ufanisi katika Usimamizi wa Mikataba ya Ujenzi wa Miradi ya Maji Mijini katika Wizara ya Maji na Umwagiliaji. (*Performance Audit Report on the Construction Contract Management of Urban Water Project at the Ministry of Water and Irrigation*).

WAZIRI WA ELIMU, SAYANSI, TEKNOLOJIA NA UFUNDI:

Ripoti ya Ukaguzi wa Ufanisi juu ya Mifumo ya Udhhibiti wa Ubora wa Elimu Nchini Tanzania. (*Performance Audit Report on the System for Quality Control of Education Programs in Tanzania*).

II. MASWALI:

OFISI YA RAIS (TAMISEMI):

41. MHESHIMIWA EMMANUEL PAPIAN JOHN (KITETO):

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, ni lini Serikali itaongeza gari la wagonjwa na mafuta ili kufanya huduma za kliniki katika maeneo hayo ili pamoja na huduma nyingine kuwaokoa kina mama na watoto.

42. MHESHIMIWA ESTHER LUKAGO MIDIMU (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Wilaya ya Itilima ni moja kati ya Wilaya mpya zilizoanzishwa hivi karibuni ili kurahisisha utoaji wa huduma kwa Wananchi:-

Je, Serikali ina mpango gani wa haraka wa kuwezesha kujenga ofisi na nyumba za Watumishi katika Makao Makuu ya Wilaya ya Itilima eneo la Itilima.

43. MHESHIMIWA MAFTAHA ABDALLAH NACHUMA (MTWARA MJINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Mafuriko yanayotokea Mtwara mjini kila mwaka hasa katika Kata ya Shangani, Cuono, Magomeni na Ufukoni yanasababishwa na miundombinu mibovu ambayo imejengwa chini ya kiwango katika maeneo mengi ya Mji wa Mtwara:-

- (a) Je, Serikali iko tayari sasa kujenga upya mitaro, madaraja pamoja na miundombinu mingine ili maji yaweze kusafiri kuelekea baharini wakati wa masika;
- (b) Je, ni lini Serikali itaanza kujenga Barabara ya Mikindani – Lwelu ufukweni mwa Bahari kwa kiwango cha lami ikizingatiwa kuwa barabara hiyo iko ndani ya Manispaa.

WIZARA YA MAJI NA UMWAGILIAJI:

44. MHESHIMIWA PETER JOSEPH SERUKAMBA (KIGOMA KASKAZINI):

Atamuuliza Mheshimiwa Waziri wa Maji na Umwagiliaji:- Maji ni tatizo kubwa kwenye Jimbo la Kigoma Kaskazini:-

Je, Serikali ina mpango gani wa kutatua tatizo hilo.

WIZARA YA VIWANDA, BIASHARA NA UWEKEZAJI:

45. MHESHIMIWA RAPHAEL JAPHARY MICHAEL (MOSHI MJINI):

Atamuuliza Mheshimiwa Waziri wa Viwanda, Biashara na Uwekezaji:- Viwanda vingi vya Moshi vilivyobinafsishwa havifanyi kazi badala yake vimegeuzwa kuwa maghala ya kuhifadha bidhaa; mbalimbali na vimechakaa sana; aidha, mafao ya wafanyakazi waliostaafishwa katika Kiwanda cha Magunia na Kilimanjaro *Timber Utilization* hayakulipwa inavyostahili na hivyo kuwepo kwa malalamiko ya muda mrefu ya madai yao bila mafanikio:-

- (a) Je, kwa nini Serikali isivikabidhi viwanda hivyo kwa kampuni nyingine zenye uwezo wa kuviendeleza na hivyo kupunguza tatizo la ajira katika mji wa Moshi;
- (b) Je, ni lini madai ya mafao ya wafanyakazi waliostaafishwa katika viwanda hivyo yatalipwa.

WIZARA YA FEDHA NA MIPANGO:

46. MHESHIMIWA KASUKU SAMSONI BILAGO (BUYUNGU):

Atamuuliza Mheshimiwa Waziri wa Fedha na Mipango:- Kumekuwa na malalamiko kwa baadhi ya wastaafu kutolipwa mafao yao baada ya kustaafu:-

- (a) Je, kuanzia Januari hadi Desemba, 2015 ni Watumishi wangapi wa Umma wamestaafu utumishi;
- (b) Je, kati ya hao ni wangapi wamelipwa mafao yao;
- (c) Kama kuna ambao hawajalipwa Je, ni kwa sababu gani.

47. MHESHIMIWA JAMAL KASSIM ALI (MAGOMENI):

Atamuuliza Mheshimiwa Waziri wa Fedha na Mipango:-

Je, ni utaratibu gani unaotumika kukokotoa kodi katika forodha zetu zinazopokea bidhaa na vitu mbalimbali vinavyotokea Zanzibar wakati vitu vile vile vinavyozalishwa Zanzibar ni vile vile vinavyotoka nje ya nchi.

WIZARA YA KILIMO, MIFUGO NA UVUVI:

48. MHESHIMIWA ABDALLAH HAMIS ULEGA (MKURANGA):

Atamuuliza Mheshimiwa Waziri Mkuu:

Je, Serikali imejipangaje kuwafidia au kuwapa kifuta machozi Wananchi wa Kata za Magawa na Msonga katika vijiji vya Makumbaya, Magewa na Msonga ambao Mikorosho kwenye mashamba yapatayo ekari 1000 imeangamia kutokana na ugonjwa wa ajabu na kuwaacha Wananchi hawana kitu na hasa ikizingatiwa kuwa baadhi ya maeneo Wananchi wanaopatwa na majanga kama haya wamekuwa wakilipwa fidia au hata kifuta machozi.

49. MHESHIMIWA DKT. CHRISTINE GABRIEL ISHENGOMA (VITI MAALUM):

Atamuuliza Mheshimiwa Waziri wa Kilimo, Mifugo na Uvuvi:- Amani na utulivu ni muhimu sana katika maisha ya binadamu:-

Je, ni lini mgogoro wa Wakulima na Wafugaji katika Wilaya ya Mvomero na Kilosa mkoani Morogoro utaisha ili Wananchi waweze kuishi kwa amani na utulivu.

WIZARA YA ULINZI NA JESHI LA KUJENGA TAIFA:

50. MHESHIMIWA MWANTAKAJE HAJI JUMA (BUBUBU):

Atamuuliza Mheshimiwa Waziri wa Ulinzi na Jeshi la Kujenga Taifa:- Jeshi la Wananchi la Tanzania (JWTZ) limekuwa tegemeo kwa nchi yetu hususan katika masuala ya kiulinzi nchini:-

Je, ni lini Serikali itawapatia nyumba bora za makazi Askari wa Jeshi hilo hasa ikizingatiwa nyumba zilizopo hazitoshi.

III. HOJA ZA SERIKALI

WAZIRI MKUU

Kwamba, Bunge likubali kupitisha Makadirio ya Mapato na Matumizi ya Ofisi ya Waziri Mkuu kwa Mwaka wa Fedha 2016/2017.

(Majadiliano yanaendelea)

**DODOMA
25 APRILI, 2016**

**DKT. T. D. KASHILILAH
KATIBU WA BUNGE**